

**ZAJEDNIČKO SAOPŠTENJE SAVEZA RATNIH VOJNIH INVALIDA FEDERACIJE BOSNE I
HERCEGOVINE**
I
**FOND-A ZA PROFESIONALNU REHABILITACIJU I ZAPOŠLJAVANJE OSOBA S
INVALIDITETOM**

Vežano za tekst objavljen na portalu N1 BiH dana 31.01.2025. godine pod naslovom „Plijušte otkazi zbog minimalca: na ulici završile i osobe s invaliditetom“.

Ovim putem informišemo javnost da Fond za profesionalnu rehabilitaciju i zapošljavanje osoba s invaliditetom (u daljnjem tekstu: Fond) **u cijelosti refundira kompletne doprinose** za sve osobe s invaliditetom na području Federacije BiH koje su zaposlene pod posebnim uslovima, bez obzira na iznos isplaćene plaće. Tako da navodi iz teksta: „da nije problem u iznosu minimalne plate od 1000 KM već u nametima koji iznose 70 posto pa tako jedan radnik poslodavca u FBiH košta 1700 KM“ **nisu utemeljeni na činjenicama i stvarnom stanju** kada se radi o osobama s invaliditetom zaposlenim pod posebnim uslovima.

Nadalje, s punom odgovornošću obavještavamo širu javnost da Fond, pored činjenice da isplaćuje kompletne doprinose za sve osobe s invaliditetom zaposlene pod posebnim uslovima, za osobe s invaliditetom zaposlene u zaštitnim radionicama **isplaćuje kompletne doprinose za sve radnike** zaposlene u zaštitnim radionicama bez obzira da li su osobe s invaliditetom ili ne, a za sve osobe s invaliditetom koje su zaposlene u zaštitnim radionicama vrši subvenciju neto plate u iznosu od 30% od prosječno isplaćene plaće u Federaciji BiH.

Fond za profesionalnu rehabilitaciju i zapošljavanje osoba s invaliditetom je u svom radu u svakodnevnoj komunikaciji s predstavnicima organizacija osoba s invaliditetom, tako da su svi upoznati s ovom činjenicom, obzirom da na mjesečnom nivou koriste svoja prava.

Posebno skrećemo pažnju javnosti da je jedna od temeljnih zadaća Fond-a održivost zaposlenosti osoba s invaliditetom i s tim u vezi ističemo da Fond raspolaže sredstvima koja su dovoljna da se refundiraju kompletni doprinosi za sve osobe s invaliditetom zaposlene pod posebnim uslovima u tekućoj godini, **tako da u tom smislu odluka o iznosu najniže plaće ni na koji način ne može ugroziti održivost zaposlenih osoba s invaliditetom.**

Savez ratnih vojnih invalida Federacije BiH u potpunosti podržava rad Fond-a kao vladine institucije kao i mjere koje vlada poduzima, te posebno ističe činjenicu da zaposleni ratni vojni invalidi nikada nisu naišli na bilo kakve poteškoće kod Fonda, kao ni poslodavci koji ih zapošljavaju u dijelu ostvarivanja njihovih prava, i smatramo da predmetna mjera Vlade neće ugroziti održivost zaposlenosti osoba sa invaliditetom zaposlenih pod posebnim uslovima.

Savez Ratnih vojnih invalida FBiH

Predsjednik Esad Delić



Fond za profesionalnu rehabilitaciju i
zapošljavanje osoba s invaliditetom

Direktor Ahmet Balić

